

JAVNE KONSULTACIJE

Odluka o izmjeni Odluke o formiranju Vijeća za osobe sa invaliditetom Bosne i Hercegovine, Odluka o izmjeni i dopuni Odluke o formiranju Vijeća za djecu Bosne i Hercegovine i Odluka o izmjenama i dopunama Odluke o osnivanju Odbora za Rome pri Vijeću ministara Bosne i Hercegovine

Ministarstvo za ljudska prava i izbjeglice BiH u skladu sa članom 7. Pravila za konsultacije u izradi pravnih propisa („Službeni glasnik“, broj 5/17), poziva sve zainteresirane građane i civilno društvo u Bosni i Hercegovini da učestvuje u postupku javnih konsultacija na Odluku o izmjeni Odluke o formiranju Vijeća za osobe sa invaliditetom Bosne i Hercegovine, Odluku o izmjeni i dopuni Odluke o formiranju Vijeća za djecu Bosne i Hercegovine i Odluku o izmjenama i dopunama Odluke o osnivanju Odbora za Rome pri Vijeću ministara Bosne i Hercegovine. Procesom javnih konsultacija želi se osigurati veći nivo učešća građana, bolja informisanost i veće povjerenje tokom kreiranja javne politike u BiH.

Ministarstvo za ljudska prava i izbjeglice BiH pruža stručno-administrativnu pomoć Vijeću za osobe sa invaliditetom BiH, Vijeću za djecu BiH i Odboru za Rome pri Vijeću ministara BiH, te finansira rad ovih tijela.

Imenovana tijela su savjetodavna tijela Vijeća ministara Bosne i Hercegovine koje je donijelo odluke o njihovom osnivanju.

Obzirom da je proteklom periodu identifikovana potreba za izmjenu i dopunu odluka o osnivanju navedenih tijela, Ministarstvo za ljudska prava i izbjeglice BiH je sačinilo prijedloge slijedećih odluka: Odluka o izmjeni Odluke o formiranju Vijeća za osobe sa invaliditetom Bosne i Hercegovine, Odluka o izmjeni i dopuni Odluke o formiranju Vijeća za djecu Bosne i Hercegovine i Odluke o izmjenama i dopunama Odluke o osnivanju Odbora za Rome pri Vijeću ministara Bosne i Hercegovine.

Odlukama se predlaže izmjena i dopuna odluka u cilju preciziranja vrste troškova koji se osiguravaju kroz budžet Ministarstva za ljudska prava i izbjeglice Bosne i Hercegovine, te je predložena izmjena koja se odnose na usaglašavanje izraza u jednom gramatičkom rodu bez diskriminacije, kao i zamjena riječi: „invalidske organizacije“ u skladu sa terminom koji koristi Konvencije o pravima osoba sa invaliditetom i predviđa imenovanje zamjenskih članova.

Proces javnih konsultacija je otvoren do 11.04.2019. godine.

Molim da eventualne komentare, primjedbe i prijedloge dostavite na e-mail irena.penc@mhr.gov.ba

PRIJEDLOG

Na osnovu člana 17. i člana 22. stav 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) Vijeće ministara Bosne i Hercegovine, na _____ sjednici održanoj _____ 2019. godine, donijelo je

ODLUKU O IZMJENAMA I DOPUNAMA ODLUKE O OSNIVANJU ODBORA ZA ROME PRI VIJEĆU MINISTARA BOSNE I HERCEGOVINE

Član 1.

U Odluci o osnivanju Odbora za Rome pri Vijeću ministara Bosne i Hercegovine („Službeni glasnik BiH“ broj 85/12) u članu 1. Iza stava (1) dodaje se stav (2) koji glasi:

„(2) Izrazi koji su radi preglednosti dati u jednom gramatičkom rodu bez diskriminacije se odnose i na muškarce i na žene“.

Član 2.

U članu 2. stav (1) iza riječi „člana“ dodaju se riječi „i 11 zamjenskih članova“.

Član 3.

U članu 3. stav (1) tački a) mijenja se i glasi:

„ a) Ministarstvo za ljudska prava i izbjeglice Bosne i Hercegovine, uključujući i Agenciju za ravnopravnost spolova Bosne i Hercegovine predlaže dva člana i dva zamjenska člana, a ispred ostalih institucije Bosne i Hercegovine po jednog člana i zamjenskog člana predlažu: Ministarstvo finansija i trezora Bosne i Hercegovine, Ministarstvo civilnih poslova Bosne i Hercegovine i Agencije za rad i zapošljavanje Bosne i Hercegovine, Ministarstva sigurnosti Bosne i Hercegovine, Ministarstva pravde Bosne i Hercegovine i Direkcije za evropske integracije.“

U stavu (1) tačka b) iza riječi „po jednog člana“ dodaju se riječi „i po jednog zamjenskog člana“.

Član 4.

U članu 4. U uvodnom dijelu teksta, riječi „Dekada inkluzije Roma 2005-2015 godina“ zamjenjuju se riječima „Akcionog plana za rješavanje problema Roma u oblastima zapošljavanja, stambenog zbrinjavanja i zdravstvene zaštite („Službeni glasnik BiH“ broj 67/17) i Okvirnog Akcionog plana o obrazovnim potrebama Roma 2018 – 2022“ (usvojen na 155. sjednici Vijeća ministara BiH).

Član 5.

Član 7. mijenja se i glasi:

„Član 7. (Finansiranje)

(1) Rad Odbora finansira se iz Budžeta institucija Bosne i Hercegovine, planiranih u okviru Budžeta Ministarstva za ljudska prava i izbjeglice Bosne i Hercegovine.

(2) Odbor u okviru Godišnjeg plana rada, usvojenog najkasnije do kraja juna tekuće godine za narednu godinu, planira finansijska sredstva, izvore, strukturu, kriterije rada i druga pitanja važna za rad i djelovanje Odbora u skladu sa važećim finansijskim pravilima u institucijama Bosne i Hercegovine.

(3) Iz odobrenih sredstava u skladu sa stavovima (1) i (2) ovog člana finansiraju se sljedeći troškovi Odbora:

- a) naknade za rad članovima Odbora imenovanih ispred nevladinih organizacija navedenih u članu 3. Odluke o osnivanju Odbora za Rome pri Vijeću ministara Bosne i Hercegovine;
- b) refundacija troškova prevoza licima iz tačke a) ovog stava obračunatu na osnovu vrijednosti pojedinačne karte utvrđene autobuskim linijskim prijevozom, na relaciji mjesto prebivališta učesnika – mjesto održavanja sjednice ukoliko je udaljenost preko 130 km u jednom pravcu;
- c) licima iz tačke a) ovog stava osigurava se plaćanje smještaja s doručkom ukoliko je udaljenost od mjesta održavanja sjednice ili sastanka najmanje 130 kilometara;
- d) osvježenje i ručak za vrijeme redovnih i svečanih sjednica za sve učesnike koji na poziv sudjeluju sjednici Odbora;
- e) troškovi organizacije planiranih sastanaka radnih i stručnih grupa osnovanih u skladu sa članom 4. tačka f) ove Odluke, te radionica i konferencija, u skladu sa programom rada Odbora koje uključuju sljedeće troškove:
 - 1) troškove smještaja za predstavnike domaćih nevladinih organizacija u skladu sa tačkom c) ovog člana i refundacija troškova prevoza u skladu sa tačkom b) ovog stava;
 - 2) hranu i osvježenje za sve pozvane učesnike uključujući i predstavnike institucija i međunarodnih organizacija;
- f) izradu promotivnog materijala prema planu rada Odbora čiji kriteriji za troškove će se precizirati internim aktima Ministarstva za ljudska prava i izbjeglice BiH;
- g) angažovanje konsultanata prema godišnjem planu rada Odbora za čije angažovanje će Ministarstvo za ljudska prava i izbjeglice BiH utvrditi kriterije prema internim aktima te će ministar za ljudska prava i izbjeglice BiH zaključiti ugovor o djelu.“

(4) Visina naknade iz stava (3) tačka a) ovog člana utvrdit će se Odlukom Vijeća ministara Bosne i Hercegovine.

(5) Član Odbora koji je imenovan ispred institucija Bosne i Hercegovine, entiteta i Brčko distrikta Bosne i Hercegovine nema pravo na dnevnicu i naknadu troškova za smještaj i prevoz.

(6) Planiranje i praćenje sredstava vršiti će se u skladu sa sredstvima osiguranim u budžetu Ministarstva za ljudska prava i izbjeglice BiH putem programa posebne namjene.

(7) Aktivnosti Odbora mogu se finansirati iz donatorskih sredstava putem posebnih programa i projekata.“

Član 6.
(Stupanje na snagu)

Ova Odluka stupaju na snagu danom donošenja i objavljuju se u „Službenom glasniku BiH“.

VM broj _____/19
_____ 2019. godine
S a r a j e v o

P r e d s j e d a v a j u ć i
Vijeća ministara BiH
dr. Denis Zvizdić

OBRAZLOŽENJE

PRAVNA OSNOVA

Pravna osnova za donošenje ove Odluke sadržana je u članu 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), kojim je predviđeno da Vijeće ministara Bosne i Hercegovine donosi odluke u svrhu izvršenja svojih obaveza. U cilju konkretnog provođenja Okvirne konvencije Vijeća Evrope za zaštitu nacionalnih manjina, koju je potpisala i ratifikovala Bosna i Hercegovina, Vijeće ministara Bosne i Hercegovine je na 70 sjednici održanoj 13.06.2002. godine donijelo zaključak o potrebi osnivanja Odbora za Rome pri Vijeću ministara Bosne i i Hercegovine.

RAZLOZI ZA DONOŠENJE ODLUKE

S obzirom da se u predhodnom periodu Odbor za Rome u svom radu susretao sa nedostatkom kvoruma, odnosno nedolaska predstavnika imenovanih ispred institucija BiH javila se potreba za imenovanjem zamjenskih članova.

U tekstu Odluke o izmjenama i dopunama Odluke o osnivanju Odbora za Rome pri Vijeću ministara Bosne i Hercegovine su izvršene izmjene prema slijedećem:

- u članu 1. je navedeno da su izrazi dati u jednom gramatičkom rodu, ali da se u cilju jednakopravnosti polova odnosi i na muškarce i na žene;
- u članu 2. je predviđeno da se pored jednog predstavnika Odbor za Rome imenuje i po jedan zamjenik u cilju efikasnije funkcionisanja Odbora za Rome i rješavanje problema kvoruma;
- u članu 3. briše se „Dekada inkluzije Roma 2005-2015“, zbog isteka roka trajanja, a zamjenjena je „Akcioni planovi za rješavanje problema Roma u oblastima zapošljavanja, stambenog zbrinjavanja i zdravstvene zaštite“ koji su važeći i na snazi;
- u članu 4. se reguliše oblast finansiranja rada Odbora za Rome i njihovih članova, obzirom da u prethodnoj Odluci ista nije kvalitetno regulisana. U ovome članu tačno je navedeno da se rad Odbora finansira iz budžeta Ministarstva za ljudska prava i izbjeglice BiH, da se finansira na osnovu godišnjeg plana rada, a decidno su navedeni i troškovi Odbora koji se mogu finansirati u stavu (3) od a) do g). Takođe, ovim izmjenama je precizirano da će visina nadoknade za rad članova Odbora za Rome biti utvrđena posebnom odlukom Vijeća ministara BiH.

Ovim izmjenama i dopunama poboljšana je rad Odbora za Rome, obzirom da je smanjena mogućnost neodržavanja sjednica zbog kvoruma i da je regulisan način finansiranja i naknada članovima Odbora za Rome imenovanih ispred nevladinih organizacija.

FINANSIRANJE

Za provođenje ove odluke sredstava su osigurana u budžetu Ministarstva za ljudska prava i izbjeglice BiH, koje planira i izdvaja godišnji budžet za rad ovog radnog tijela u iznosu od 30.000,00 KM, a koji je naveden u obrascu fiskalnog uticaja u prilogu.

PRIJEDLOG

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08) Vijeće ministara Bosne i Hercegovine, na ____ sjednici održanoj _____ 2019. godine, donijelo je

O D L U K U O IZMJENI I DOPUNI ODLUKE O FORMIRANJU VIJEĆA ZA DJECU BOSNE I HERCEGOVINE

Član 1.

U Odluci o formiranju Vijeća za djecu Bosne i Hercegovine („Službeni glasnik BiH“ broj 4/13) u članu 1. stav (2) mijenja se i glasi:

„(2) Izrazi koji su radi preglednosti dati u jednom gramatičkom rodu bez diskriminacije se odnose i na muškarce i na žene“.

Član 2.

U članu 2. stav (1) tačka c) iza riječi: „Bosne i Hercegovine“ stavlja se interpunkcijski znak točka zarez, a brojevi „(2011-2014)“ briše se.

U stavu (2) iza riječi: „Bosne i Hercegovine“ brojevi „(2011-2014)“ brišu se, nakon riječi „aktivnosti“ stavlja se interpunkcijski znak tačke, a riječi: „nakon 2014. godine“ brišu se.

Član 3.

U članu 3. stav (1) tačka d) mijenja se i glasi:

„d) Članovi Vijeća za djecu iz reda akademske zajednice birati će se putem javnog poziva koji će raspisati Ministarstvo za ljudska prava i izbjeglice BiH koje će nakon završene procedure javnog poziva Vijeću ministara BiH dostaviti prijedlog rang liste predstavnika akademske zajednice iz koje će biti imenovani članovi Vijeća za djecu BiH.“

Član 4.

U članu 4. stav (2) tačka i) riječi „-univerziteti u Sarajevu, Mostaru i Banja Luci.“ brišu se.

Član 5.

U članu 6. stav (2) briše se.

Član 6.

U članu 8. st. (3), (4), (5) i (6) mijenjaju se i glase:

„(3) Vijeće za djecu u okviru godišnjeg plana rada, usvojenog najkasnije do kraja juna tekuće godine za narednu godinu, planira finansijska sredstva, izvore, strukturu, kriterije rada i druga pitanja važna za rad i djelovanje Vijeća za djecu u skladu sa važećim finansijskim pravilima u institucijama Bosne i Hercegovine.

(4) Iz odobrenih sredstava u skladu sa stavovima (1) i (3) ovog člana finansiraju se sljedeći troškovi Vijeća:

- a) naknade za rad članovima Vijeća imenovanih ispred nevladinih organizacija i akademske zajednice;*
- b) refundacija troškova prevoza licima iz tačke a) ovog stava obračunatu na osnovu vrijednosti pojedinačne karte utvrđene autobuskim linijskim prijevozom, na relaciji mjesto prebivališta učesnika – mjesto održavanja sjednice ukoliko je udaljenost preko 130 km u jednom pravcu;*
- c) licima iz tačke a) ovog stava osigurava se plaćanje smještaja s doručkom ukoliko je udaljenost od mjesta održavanja sjednice ili sastanka najmanje 130 kilometara;*
- d) osvježanje i ručak za vrijeme redovnih i svečanih sjednica za sve učesnike koji na poziv sudjeluju sjednici Vijeća;*
- e) troškovi organizacije planiranih radnih i stručnih grupa osnovanih u skladu sa članom 7. ove Odluke, te radionica i konferencija organiziranih u skladu sa programom rada Vijeća koje uključuju sljedeće troškove:
 - 1) troškove smještaja za predstavnike domaćih nevladinih organizacija u skladu sa tačkom c) ovog člana i refundacija troškova prevoza u skladu sa tačkom b) ovog stava;*
 - 2) hranu i osvježanje za sve pozvane učesnike uključujući i predstavnike institucija i međunarodnih organizacija;**
- f) izradu promotivnog materijala prema planu rada Vijeća čiji kriteriji za troškove će se precizirati internim aktima Ministarstva za ljudska prava i izbjeglice BiH;*
- g) angažovanje konsultanata prema godišnjem planu rada Vijeća za čije angažovanje će Ministarstvo za ljudska prava i izbjeglice BiH utvrditi kriterije prema internim aktima te će ministar za ljudska prava i izbjeglice BiH zaključiti ugovor o djelu.“*

(5) Visina naknade iz stava (4) tačka a) ovog člana utvrdit će se Odlukom Vijeća ministara Bosne i Hercegovine.

(6) Član Vijeća koji je imenovan ispred institucija Bosne i Hercegovine, entiteta i Brčko distrikta Bosne i Hercegovine nema pravo na dnevnicu i naknadu troškova za smještaj i prevoz.

(7) Planiranje i praćenje sredstava vršiti će se u skladu sa sredstvima osiguranim u budžetu Ministarstva za ljudska prava i izbjeglice BiH putem programa posebne namjene.“

Član 7.
(Stupanje na snagu)

Ova Odluka stupa na snagu danom donošenja i objavljuje se u „Službenom glasniku BiH“.

VM broj _____

Sarajevo, _____ . godine

Predsjedavajući
Vijeća ministara BiH
dr. Denis Zvizdić

OBRAZLOŽENJE

I PRAVNI OSNOV ZA DONOŠENJE ODLUKE O IZMJENAMA I DOPUNAMA ODLUKE

Pravni osnov za donošenje ove odluke nalazi se u članu 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), prema kojem Vijeće ministara BiH u ostvarivanju svojih prava i dužnosti donosi odluke i druge akte.

Ova Odluka predložena je u cilju implementacije obaveza koje su utvrđene Konvencijom o pravima djeteta i pratećim protokolima kao i drugim međunarodnim instrumentima iz oblasti ljudskih prava u skladu sa Ustavom Bosne i Hercegovine i instrumentima koji su ratificirani od strane Bosne i Hercegovine, a posebno u cilju praćenja provođenja Akcionog plana za djecu Bosne i Hercegovine.

Obaveza je ispunjena od strane vlasti Bosne i Hercegovine Odlukom Vijeća ministara BiH kojom je formirano Vijeće za djecu Bosne i Hercegovine (u daljem tekstu Vijeće za djecu) kao stručno, interesorno, savjetodavno i koordinirajuće tijelo Vijeća ministara Bosne i Hercegovine (Odluka o formiranju Vijeća za djecu BiH – „Službeni glasnik BiH“ broj 4/13).

II RAZLOZI ZA DONOŠENJE IZMJENA I DOPUNA I OBRAZLOŽENJE PREDLOŽENIH RJEŠENJA

U cilju efikasnijeg rada Vijeća za djecu Bosne i Hercegovine Sektor za ljudska prava Ministarstva za ljudska prava i izbjeglice Bosne i Hercegovine, a do uspotavljanja odgovarajućeg Odjela za prava djeteta, u skladu sa članom 6. pomenute odluke pruža administrativnu, stručnu i tehničku pomoć Vijeću za djecu. Ministarstvo za ljudska prava i izbjeglice Bosne i Hercegovine u okviru svog budžeta svake godine planira i izdvaja potrebna finansijska sredstva za rada Vijeća za djecu. Obzirom da važećom odlukom, odnosno članom 8. iste nisu precizirane koje vrste troškova treba osigurati za rad Vijeća za djecu predlaže se izmjena i dopuna iste odluke u cilju preciziranja vrste troškova koji se osiguravaju kroz budžet Ministarstva za ljudska prava i izbjeglice Bosne i Hercegovine.

Istovremeno je predložena izmjena i dopuna odluke u cilju poboljšanja iste i to u pogledu predlaganja izmjena čl. 1.,2.,3.,4. i 6 koji se odnose na usaglašavanje izraza u jednom gramatičkom rodu bez diskriminacije, brisanje navođenja vremenskog perioda trajanja Akcionog plana za djecu, kao i preciziranje vrste troškova za rad Vijeća za djecu i transparentniji izbor predstavnika iz akademske zajednice..

III PROCJENA FINANSIJSKIH SREDSTAVA NEOPHODNIH ZA PROVOĐENJE ODLUKE

Za provođenje ove odluke sredstava su osigurana u budžetu Ministarstva za ljudska prava i izbjeglice BiH, koje planira i izdvaja godišnji budžet za rad ovog radnog tijela u iznosu od 37.850,00 KM za 2019. godinu, a koji je naveden u obrascu fiskalnog uticaja u prilogu.

PRIJEDLOG

Na osnovu člana 17. i člana 22. stav 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) Vijeće ministara Bosne i Hercegovine na _____ sjednici, održanoj _____ 2019. godine, donijelo je

ODLUKU O IZMJENI ODLUKE O FORMIRANJU VIJEĆA ZA OSOBE SA INVALIDITETOM BOSNE I HERCEGOVINE

Član 1.

U Odluci o formiranju Vijeća za osobe sa invaliditetom Bosne i Hercegovine („Službeni glasnik BiH“ broj 21/11) članu 1. u drugom redu teksta riječ „stalno“ briše se.

Iza stava (1) dodaje se stav (2) koji glasi:

„(2) Izrazi koji su radi preglednosti dati u jednom gramatičkom rodu bez diskriminacije se odnose i na muškarce i na žene“.

Član 2.

U članu 3. stav (2) brišu se riječi: „invalidske organizacije“ i zamjenjuju riječima „organizacije osoba sa invaliditetom“.

Član 3.

U članu 4. stav (1) iza riječi “imenovanje svojih članova”, dodaju se riječi: “i zamjenskih članova”.

Član 4.

U članu 5. stav (1) riječi „ i Ministarstvo civilnih poslova BiH“ brišu se.

U stavu (2) riječi „ i ministar civilnih poslova BiH“ brišu se.

Član 5.

U članu 8. stav (2) iza riječi „godišnjeg plana rada“ dodaje se riječi „usvojenog najkasnije do kraja juna tekuće godine za narednu godinu“:

Stav (3) mijenja se i glasi:

„(3) Iz sredstava odobrenih u skladu sa stavovima (1) i (2) ovog člana finansiraju se sljedeći troškovi Vijeća:

- a) naknade za rad članovima Vijeća koji predstavljaju organizacije osoba sa invaliditetom;*
- b) naknade za lične asistente koje prema važećim propisima u Bosni i Hercegovini imaju osobe sa invaliditetom, članovi Vijeća;*

- c) *prevoz ličnim autom po pređenom kilometru u iznosu od 20 % cijene litre benzina po pređenom kilometru, za lica iz tačke a) ovog stava;*
- d) *smještaj s doručkom, za lica iz stavova a) i b) ove tačke, ukoliko je udaljenost od mjesta održavanja sjednice ili sastanka najmanje 70 kilometara;*
- e) *osvježenje i ručak za vrijeme redovnih i svečanih sjednica za sve učesnike koji na poziv sudjeluju sjednici Vijeća;*
- f) *troškovi organizacije planiranih radnih i stručnih grupa osnovanih u skladu sa članom 7. stav 1) ove Odluke, te radionica i konferencija organiziranih u skladu sa programom rada Vijeća koje uključuju sljedeće troškove:*
 - 1) *troškove smještaja za predstavnike domaćih nevladinih organizacija ukoliko je udaljenost od mjesta održavanja sjednice ili sastanka najmanje 70 kilometara*
 - 2) *refundacija troškova prevoza za osobe sa invaliditetom u skladu sa tačkom c) ovog stava a za ostale predstavnike nevladinih organizacija na osnovu vrijednosti pojedinačne karte utvrđene autobuskim linijskim prijevozom, na relaciji mjesto prebivališta učesnika – mjesto održavanja konferencije;*
 - 3) *hranu i osvježenje za sve pozvane učesnike uključujući i predstavnike institucija i međunarodnih organizacija;*
- g) *izradu promotivnog materijala prema Godišnjem programu rada Vijeća čiji kriteriji za troškove će se precizirati internim aktima Ministarstva za ljudska prava i izbjeglice BiH;*
- h) *angažovanje konsultanata prema godišnjem planu rada Vijeća za čije angažovanje će Ministarstvo za ljudska prava i izbjeglice BiH utvrditi kriterije prema internim aktima, te će ministar za ljudska prava i izbjeglice BiH zaključiti ugovor o djelu.“*

Iza stava (3) dodaju se stavovi (4), (5) i (6) koji glase:

„(4) Visina naknade iz stava (2) tačke a) i b) ovog člana utvrdit će se Odlukom Vijeća ministara Bosne i Hercegovine“

(5) Član Vijeća koji je imenovan ispred institucija Bosne i Hercegovine, entiteta i Brčko distrikta Bosne i Hercegovine nema pravo naknadu troškova za smještaj i prevoz.

(6) Planiranje i praćenje sredstava vršiti će se u skladu sa sredstvima osiguranim u budžetu Ministarstva za ljudska prava i izbjeglice BiH putem programa posebne namjene.

(7) Aktivnosti Vijeća mogu se finansirati iz donatorskih sredstava putem posebnih programa i projekata.

Član 6. **(Stupanje na snagu)**

Ova Odluka stupa na snagu sljedeći dan od dana objave u „Službenom glasniku BiH“.

VM broj/19
2019. godine
S a r a j e v o

P r e d s j e d a v a j u ć i
Vijeća ministara BiH
dr. Denis Zvizdić

OBRAZLOŽENJE

I PRAVNI OSNOV ZA DONOŠENJE ODLUKE O IZMJENAMA I DOPUNAMA ODLUKE

Pravni osnov za donošenje ove odluke nalazi se u članu 17. Zakona o Vijeću ministara Bosne i Hercegovine (“Službeni glasnik BiH”, br. 30/03, 42/03, 81/06, 76/07, 81/07, 94/07 i 24/08), prema kojem Vijeće ministara BiH u ostvarivanju svojih prava i dužnosti donosi odluke i druge akte. Također je u članu 33. UN Konvencije o pravima osoba sa invaliditetom i Opcionog protokola („Službeni glasnik BiH-Međunarodni ugovori“, br.11/09) utvrđena obaveza država članica da uspostave mehanizam koordinacije unutar vlade koji će olakšati provođenje odredbi ove konvencije. Ovaj standard predviđa i obavezno uključivanje građanskog društva, tj. osoba s invaliditetom i organizacija koje ih predstavljaju.

Obaveza je ispunjena od strane vlasti Bosne i Hercegovine Odlukom Vijeća ministara BiH kojom je formirano Vijeće za osobe sa invaliditetom BiH (u daljem tekstu:Vijeće) koje je stalno, stručno, savjetodavno, interresorno i koordinirajuće tijelo Vijeća ministara Bosne i Hercegovine za pitanje prava osoba sa invaliditetom (Odluka o formiranju Vijeća za osobe sa invaliditetom BiH - “Službeni glasnik” BiH br. 21/11).

II RAZLOZI ZA DONOŠENJE IZMJENA I DOPUNA I OBRAZLOŽENJE PREDLOŽENIH RJEŠENJA

U cilju efikasnijeg rada Vijeća za osobe sa invaliditetom Ministarstvo za ljudska prava i izbjeglice Bosne i Hercegovine, koje u skladu sa članom 5. pomenute odluke pruža administrativnu i tehničku pomoć Vijeću. Ministarstvo za ljudska prava i izbjeglice Bosne i Hercegovine u okviru svog budžeta svake godine planira i izdvaja potrebna finansijska sredstva za rada ovog Vijeća. Obzirom da važećom odlukom, odnosno članom 8. iste nisu precizirane koje vrste troškova koje treba osigurati za rad ovog Vijeća predlaže se izmjena i dopuna iste odluke u cilju preciziranja vrste troškova koji se osiguravaju kroz budžet Ministarstva za ljudska prava i izbjeglice Bosne i Hercegovine.

Istovremeno je predložena izmjena i dopuna odluke u cilju poboljšanja iste i to u pogledu predlaganja izmjena čl.1.,4. i 5. koji se odnose na usaglašavanje izraza u jednom gramatičkom rodu bez diskriminacije, zamjenu riječi: „invalidske organizacije“ u skladu sa terminom koji koristi Konvencije o pravima osoba sa invaliditetom i predviđa imenovanje zamjenskih članova.

III PROCJENA FINANSIJSKIH SREDSTAVA NEOPHODNIH ZA PROVOĐENJE ODLUKE

Za provođenje ove odluke sredstava su osigurana u budžetu Ministarstva za ljudska prava i izbjeglice BiH, koje planira i izdvaja godišnji budžet za rad ovog radnog tijela u iznosu od 41.200,00 KM, a koji je naveden u obrascima u prilogu.